

MORGAN, ELUNED (1870 - 1938), llenor

Enw: Eluned Morgan
Dyddiad geni: 1870
Dyddiad marw: 1938
Rhiant: Lewis Jones
Rhyw: Benyw
Galwedigaeth: llenor
Maes gweithgaredd: Llenyddiaeth ac Ysgrifennu
Awdur: Richard Bryn Williams

Ganwyd ar fwrdd y llong *Myfanwy* ym Mae Biscay yn ferch i [Lewis Jones](#) a'i bedyddio â'r cyfenw 'Morgan.' Magwyd hi yn y 'Wladfa Gymreig' a'i haddysgu yn yr ysgol Gymraeg yno gan [R. J. Berwyn](#) a 'Glan Tywi.' Daeth i Gymru yn 1885, a thrachefn yn 1888 pan arhosodd yn ysgol y Dr. Williams yn Nolgellau am ddwy flynedd. Wedi dychwelyd i'r Wladfa cadwodd ysgol breswyl i enethod yn Nhrelew am ddwy flynedd. Dechreuodd gystadlu ar ysgrifennu traethodau i eisteddfodau'r Wladfa yn 1891, a bu'n golygu a chysodi'r *Drafod* am gyfnod yn 1893. Bu ar ymweliad â Chymru eto yn 1896, a dechreuodd gyhoeddi ysgrifau yn *Cymru (O.M.E.)* yn 1897. Gweithiodd yn galed i godi ysgol ganolraddol Gymraeg yn Gaiman, ac aeth ar daith i'r Andes yn 1898, gan anfon yr hanes i *Cymru (O.M.E.)* (1899-1900). Bu'n un o'r cynorthwywyr yn Llyfrgell Caerdydd ac yn darlithio ar hyd a lled Cymru yn ystod 1903-9, ac ar daith yn y Dwyrain Canol cyn dychwelyd i'r Wladfa. Bu'n byw yng Nghaerdydd, 1912-8, ac wedi hynny yn arweinydd ym mywyd crefyddol a Chymraeg y Wladfa hyd ei marwolaeth yno 29 Rhagfyr 1938.

Cyhoeddodd bedwar llyfr: *Dringo'r Andes*, 1904 (ail arg. 1907, 3ydd arg. 1917); *Gwymon y Môr*, 1909, yn rhoi hanes mordaith o Gymru i Batagonia; *Ar Dir a Môr*, 1913, yn cynnwys hanes ei thaith ym Mhalesteina; a *Plant yr Haul*, 1915 (3ydd arg. 1926), yn rhoi hanes Indiaid Peru.

Awdur

Y Parchedig Richard Bryn Williams, (1902 - 1981)

Ffynonellau

Y Dravod, 1939

Saunders Lewis, *Ysgrifau Dydd Mercher* (Aberystwyth 1945), 84-92

R. Bryn Williams, *Eluned Morgan bywgraffiad a detholiad* (Llandysul 1948)

R. Bryn Williams, *Rhyddiaith y Wladfa* (Dinbych 1949), 40

Darllen Pellach

Erthygl Wicipedia: [Eluned Morgan](#)

Delweddau

LIGC: [Eluned Morgan with her niece Mair ap Iwan \(Mrs. Arthur Roberts\) in Gaiman, Territorio Chubut, Buenos Aires](#)

LIGC: [Eluned Morgan with her niece Mair ap Iwan \(Mrs. Arthur Roberts\) and another family member](#)

LIGC: [Eluned Morgan with her niece Mair ap Iwan \(Mrs. Arthur Roberts\) and another family member](#)

LIGC: [Eluned Morgan & family](#)

Dolenni Ychwanegol

VIAF: [78283969](#)

Wikidata: [Q3400958](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

